

hodie ab hac censura immunes esse, eo quod lege civili non sinuntur auxilium praebere contra violatores clausurae.

XII.

Missionarios operam dantes mercatura in Indiis Orientalibus et in America, ac Superiores eorum tam mediatos quam immediatos, qui eosdem, saltem per amotionem illorum a locis commissi per eos delicti, non puniverint.

612. Hanc censuram tulerant Urbanus VIII (Const. *Ex debito* 22 Febr. 1633; Coll. P. F. n. 333) et Clemens IX. (Const. *Sollicitudo*, 17 Jun. 1669; Coll. P. F. n. 338) Quam cum praeteriisset Const. *Apostolicae Sedis*, plerique abolitam censebant; sed Pius IX, postulante S. Inqu. 4 Dec. 1872 (Coll. P. F. n. 351), praedictas Constitutiones suum robur servasse declaravit.

Missionarios, i. e. quoslibet viros ecclesiasticos, sive saeculares, sive regulares, aut ad illas regiones missi fuerint aut in illis quomodolibet morentur, etiamsi forte non sint Europaei. (S. Inqu. 17 Jan. 1883; Coll. P. F. n. 352) Non comprehenduntur tamen clerici indigenae: nam *morari* in aliquo loco proprie non dicuntur nisi qui ibidem sint alienigenae. (Penn. II. p. 297)

Operam dantes mercatura. Mercatura intellegitur tantum lucrativa seu proprie dicta. (S. C. de P. F. 8 Apr. 1862; Coll. P. F. n. 350) Vid. mercatura proprie est ea negotiatio qua merces emuntur aliove oneroso titulo comparantur ut non mutatae, nec in aliam formam redactae. carius vendantur. (Schmalzgr. in Decr. l. 3. t. 50. n. 9) Huic operam dant, juxta cit. Constit. Urbani VIII, quicumque mercaturam seu negotiationem, quoicumque modo, sive per se, sive per alios, sive proprio, sive communitalis nomine, directe vel indirecte exercent. Neque requiruntur actus frequentali, cum Clemens IX diserte addat: *etiam semel*. Oportet tamen ut negotiatio fiat in quantitate sat notabili ad grave peccatum constituendum. Insuper inquietandi non sunt Missionarii qui per accidens aliquod lucrum referunt e mercibus quas, necessitate coacti, loco pecuniae secum tulerint. Nam de tali casu interrogata S. C. de P. F. (Coll. P. F. n. 343) 13 Aug. 1834 respondit: " Posse Missionarios subsidiorum sibi debitorum securitati et Missionis ipsius bono consulere accipiendo per modum permutationis merces pecuniis sibi debitibus emptas, easdemque ad se delatos vendere, et suum facere pretium ex venditione earum retrahendum. "

In Indiis Orientalibus et in America. Non viget haec censura in iis locis quae praedictis Const. non designantur, ex. gr. in Africa. Designantur autem Indiae Orientales, America tam Australis quam Septen-

trionalis, Japonia et Sina. Hanc ultimam regionem comprehendi, declaravit S. Inqu. cit. resp. 17 Jan. 1883.

Quamvis ista excommunicatio nemini sit reservata, non licet tamen ab eadem absolvere eos qui negotiationi operam dederint, praeterquam in mortis articulo constitutos, nisi prius lucra e negotiatione percepta locorum Ordinariis vel Apostolicis Vicariis restituerint, ut sancivit Clemens IX, (Const. cit.) iterumque declaravit S. Inqu. resp. mox citato. Liceret tamen absolvere si restituere vellent quidem, sed non possent, cum sic cesseret omnis contumacia.

CAPUT III.

DE SUSPENSIONE.

§ 1. QUID ET QUOTUPLEX SIT SUSPENSIO.

613. DEFINITIO. Suspensio est censura qua clericus usu potestatis quae ipsi ratione ordinis, officii vel beneficii competit, privatur.

Hinc patet poenam hanc propriam esse clericorum; immo, quia ea sacra ministeria quae cohaerent minoribus ordinibus, hodie a laicis quoque obiri solent, suspensio in ordines minores non cadit. Hinc suspensio, secundum hodiernam Ecclesiae praxim, ab iis solum incurrit qui sunt in Sacris. (D'Annib. I. n. 379; Hilarius a Sexten, de censur. eccl. p. 76)

Tripli ratione ferri potest suspensio:

1º Ut censura proprie dicta: qui sensus est maxime proprius suspensionis. Tunc autem necesse est ut lata sit ob delictum et contumaciam, et quidem simpliciter, non in perpetuum, nec in diem certum, nec ad arbitrium eam irrogantis. (n. 563)

2º Ut mera poena ad vindictam delicti, etiam plene praeteriti.

3º Ut mera inhibitio exercendi actus ordinis vel jurisdictionis, absque delicto imposta, puta ob defectum scientiae muneri necessariae, ad avertenda scandala, etc. (Aichner, Comp. Jur. Eccl. § 219)

Suspensio non est confundenda cum depositione vel degradatione quae gravissimae sunt inter poenas ecclesiasticas mere vindicativas. Nempe per *depositionem* clericus non tantum privatur usu rei, sicut fit in suspensione perpetua, sed ipsa re (officio, beneficio, etc.) ideoque ut in eam restituatur novo titulo indiget. Per *degradationem* vero clericus in per-

petuum privatur ecclesiastico ministerio, officio et beneficio (qua ex parte convenit cum depositione), et insuper, ipsis fori et canonis privilegiis exutus, brachio saeculari puniendus traditur. Degradationis ritum describit Pontificale Romanum. Sed jam ab usu recessit hujusmodi poena: nec mirum, cum in plerisque regionibus clerici a civilibus judicibus judicari et puniri soleant, nullo respectu habito ad sacram eorum characterem.

614. DIVISIO.

1º Suspensio potest esse generalis vel specialis. *Generalis* est qua clericus privatur usu cuiuslibet potestatis ecclesiasticae sibi competentis. *Specialis* triplex est: *ab ordine*, *ab officio*, *a beneficio*. Harum prima privat usu ordinis sive conferendi, sive exercendi; secunda prohibet exercitium sive ordinis sive jurisdictionis, tum interni tum externi fori; tertia privat redditibus et administratione beneficii.

Insuper istae suspensiones speciales restringi possunt ad partem eorum iurium quae ab ordine, beneficio vel officio oriuntur. Sic potest clericus suspendi tantum a celebrando Sacro, ab audiendis confessionibus, a beneficio conferendo.

Quando suspensio simpliciter et sine ulla restrictione infligitur, intelligenda est generalis. Si qua restrictio additur, puta ab ordine, beneficio, etc., non est extendenda ultra id quod stricte verbis significatur. Quid sit suspensio *a divinis*, non ita constat inter AA. Multi eamdem putant ac suspensionem ab officio. (Hilarius, op. cit. p. 71) Probabilius putamus cum D'Annib. (I. n. 380) eamdem esse ac suspensionem ab ordine: divina enim proprie sunt ea quae per sacros ordines obeuntur. Si tamen ageretur de censura dioecesana, standum esset interpretationi quam huic locutioni forte tribuerit usus dioecesanus vel episcopi sententia.

Praelatis propria est suspensio *ab ordine pontificali*, *ab usu pontificalium*, *a pontificalibus*. Prima prohibet ea peragere quae ex ordine pontificali constant, ex. gr. ordinare, confirmare, benedictiones calicum aliasve in quibus sacrum oleum adhibetur, peragere. Secunda prohibet tantum apparatus pontificalem seu usum mitrae, baculi pastoralis et pallii: hinc talis suspensio etiam indirecte vetat ne fiant ea quae sine hoc apparatu peragere non licet ex. gr. ecclesiam consecrare, sed non impedit functiones quae sine hoc apparatu fieri possunt, puta confirmare sine baculo et mitra. Tertia probabilius eundem sensum habet ac secunda, siquidem pontificalia nihil aliud sunt quam insignia pontificalia. (D'Annib. I. n. 381)

2º Suspensio ferri potest tum *in personas singulas*, tum *in integrum communitem*. In hoc posteriore casu, nisi simul in aliquas determina-

tas personas suspensio feratur, prohibitur tantum illae functiones ecclesiasticae, quae a communitate, qua corpus est morale, exerceantur. Sic caput suspensum vetatur electiones facere, sollemniter divina celebrare, etc. Immo, quamvis simul feratur suspensio in singulas personas quibus constet communitas, illa non afficit innocentibus, sed tantum delinquentes; nemo enim potest suspendi pro culpa aliena. (S. Alph. n. 317)

3º Suspensio potest esse *a jure* vel *ab homine*, *ferendae* vel *latae sententiae*, prout universe de censuris dictum est. (n. 564)

4º Inter suspensiones quae ab homine feruntur, speciale locum sibi vindicat ea quam Theol. vocant *ex informata conscientia*: quia episcopus eam fert ex causis nullo iudicio probatis, sed in sua conscientia perpensis. Potestatem talis suspensionis ferendae Conc. Trid. (Sess. 24. de ref. c. 1) episcopis contulit, ut crimina occulta clericorum coercere possint ea celeritate quam non raro exposunt sacri ministerii dignitas et fidelium utilitas. Hujus potestatis naturam et modum quo, secundum praesentem S. Sedis voluntatem, exercenda sit, perspicue exponit S. C. de Prop. Fide, Instr. 20 Oct. 1884 (Coll. P. F. n. 1009), ex qua praesertim notanda sunt sequentia:

a) Ad hanc suspensionem imponendam nec formae judiciales, nec canonicae admonitiones requiruntur. (Instr. cit. n. 2) Attamen si per modum verae censurae fertur, ex ipsa natura rei requiritur aliqua talis poenae comminatio. (n. 569)

b) Ad quasnam partes exercitii ordinis vel officii et ad quantum tempus extendatur haec poena, ex ipsis tenore dijudicandum est. Jubentur autem Ordinarii abstinere ab ipsa infligenda in perpetuum. Quodsi, ob graviores causas, Ordinarius censuerit eam imponere non ad tempus determinatum, sed ad suum beneplacitum, tunc ipsa habetur pro temporanea, ideoque cessabit cum jurisdictione Ordinarii suspensionem infligentis. (nn. 4 et 5)

c) Causam huic suspensioni praebet crimen clericorum *occultum*, quod scil. neque in judicium, neque in rumores vulgi deductum sit, neque insuper ejusmodi numero et qualitati personarum cognitum sit, unde censeri debeat notorium. Tenet tamen suspensio si ex pluribus delictis aliquod fuerit notum in vulgo, aut si crimen, quod ante suspensionem fuerat occultum, deinceps post ipsam fuerit ab aliis evulgatum. (nn. 6, 7 et 8)

d) A decreto suspensionis ex informata conscientia non datur appellatio, sed semper patet recursus extrajudicialis ad S. Sedem, suspensione interim in vigore permanente. (nn. 11 et 12)

Potest quoque episcopus ob easdem causas eademque forma prohibere clericos ascensum ad sacros ordines (Trid. l. c.)